

Transkription von Urkunde ZET 1494b

Ort, Datierung: Zerbst, 1494-06-18

Signatur: Stadtarchiv Zerbst, IA, 304

Inhalt: Rat der Stadt Zerbst: Rentenverkauf

Wy Borgermeistere vnd radtman(n)e der Stadt Zcerwst Bekennen Jn diesszem vnsz(e)rn / apin brieue vor vns vnszere nachkomelinge vnnd ydermen(n)iglikē , die ohnn / Sehen horen add(er) leszen dath wy eyndrechtlikē mith rypen rade weten vnnd / fulbort der wittzigisten by vns von vnsz(e)r stadt vnd gemeyn(n)e wegin vth vnd von / vnszer stadt Bereydisten renten tynszen Schoten vnd vpboring(e)n , wu die vp vnsz(e)rn / rathusze gefallen Dem(e) v(or)sichtigen Gūnter Kruszen to magdeborch borg(e)r vnde / Elisabethen syn(er) eliken husfr(uwen) to orer twyer lyue die wyle sy beyde add(er) orer eyn(er) / leūen theyn rynsche guld(en) add(er) szo vele w(er)dig(er) vnd gengehafftig(er) mūnte vnd / nha orer twyer dode Marga(r)eten gūnters syns bruder(s) dochter Negen rynsche / guld(en) add(er) szo vele w(er)dig(er) vnd gengehafftig(er) mū(n)te to orem eynig(e)n lyue , Jerlik(e)r / lyffrente , vp vnd to eynem rechten lyffkope Jn vnd mith crafft diesszes brieff(es) / vor hūnderth rynsche guld(en) houetsu(mm)a v(or)koffth hebben , Die sy vns gantz tor / gnūge ful vnd all wol betalet vnd ouer gegeue(n) vnd wy die ford(er) Jn unsz(e)r / Stadt nūth vnd framen war vns des noth vnd behūff dede witlikē gekart / vnd gewandt hebben , Die sulug(e)n theyn rynsche add(er) szo vele w(er)dig(er) vnd gen/gehafftig(e)r mūnte gnant(e)n Gūnter Krūsen vnd Elisabeth syn(er) eliken husfr(uwen) / die wyle sy beyde add(er) orer eyn(er) leūen , vnd nha orer twyer dode marga(r)eten / gunters obgemelt Negen rynsche guld(en) guld(en) add(er) szo vele w(er)dig(er) vnd gengehafftig(e)r / mū(n)te Jerliker lyfftynsze , Reden vnd gloūen wy gna(n)t(e)n Borg(er)meister vnd radtman(n)e / vnd(e) vnsz(e)r nachkomeling(e)n alle jar Nach giffte diesszes brieff(es) vp die hilligenn / pingesten Jn der old(en) stadt magdebo(r)ch gutlik(e)n vnd wol to dangke ane all(e)r geistlik(e)r / effte w(er)tliker gerichte v(or)hinderung(e) ok sund(er) Jnsage vnd geūerde to geūene / vnd tou(or)richtende , vnd wanner gedacht(e)r Gunter Krūsze , Elisabeth syne elike husfr(uwe) / vnnd(e) Marga(r)eta syns bruder(s) docht(er) alle von dodes weg(e)n dat goth tom(me) besten wende / aūeghan vnd v(or)fallen syn , dan vnd nicht ehr szo sall diessze lyffkop vnnd v(or)schriu(n)g / gantz von vncrefften syn vnd blyue(n) , vnd wy gemelten borg(er)meister vnd radt=man(n)e vnd vnszer(e) nachkomelinge sollen solke berurden lyffrente vnd houetsum(m)a / gantz qwydt vnd leddich syn Des to Orkunde hebb(en) wy vnszer stadt grote Jn/gesigei an diessz(e)n vnsz(e)rn brieff laten heng(e)n vnd Gegeue(n) Nach Cristi vnsers / h(e)rn gebort vierteynhund(er)t vnd dar Nach Jm(me) viervndenegentigist(e)n Jar am(me) / middewek(e)n Nach vitij